

Pius PP. VI.

Quum sicut dilecti filii sodales titulo sancti Josephi et animarum defunctorum coemeterii hospitalis Bethlehem in ecclesia constituti civitatis de Buenos Ayres in Indiis exponi Nobis nuper fecerunt, pro eo ipsi, quo sunt incensi in patronum suum principem, studio ac pietate ejus cultum invalescere in dies proferrique latius exoptent, Nobis propterea humiliter supplicari fecerunt, ut sibi in praemissis opportune providere et ut infra indulgere de benignitate apostolica dignemur. Nos igitur praefatos exponentes specialibus gratiis et favoribus prosequi volentes, hujusmodi supplicationibus inclinati, ut in praedicta ecclesia post-hac die decima nona cujusque mensis vel ea impedita, dominica sequenti celebrari una missa votiva propria valeat, ut in festo sancti Josephi sponsi Beatae Mariae Virginis, cum cantu, duplicibus tamen primae et secundae classis exceptis rubricisque diligenter servatis, auctoritate apostolica tenore praesentium indulgemus.

Datum Romae die 1. Apr. 1794.
(Bull. r. Continuatio t. IX. p. 364.)

Pius PP. VII.

Cum, sicut dilecti filii clerus et populus civitatis et dioecesis *Cusanae* Nobis nuper exponi fecerunt, ipsi pro eo, quo in s. Josephum beatae Mariae virginis sponsum afficiuntur devotionis affectu, ejusdem cultum et venerationem in dies augeri summopere desiderant, Nobis propterea humiliter supplicari fecerunt, ut sibi in praemissis opportune providere ac ut infra indulgere de benignitate apostolica dignemur. Nos igitur dictos exponentes specialibus gratiis et favoribus prosequi volentes, supplicationibus hujusmodi inclinati, ut in posterum quotannis die decimonono unius cujusque

mensis non impedito tamen officio novem lectionum ab *utroque clero ejusdem civitatis et dioecesis* recitari possit ritu semiduplici officium cum missa in honorem ejusdem sancti Josephi, ut in die proprio ejus festi, exceptis tamen temporibus adventus, quadragesimae, quatuor temporum et vigiliarum sive cum jejuniis sive absque jejuniis, feria secunda rogationum ac iis in feriis, in quibus ex rubricarum dispositione sit reponendum officium de dominica sive de festo translato, auctoritate apostolica tenore praesentium concedimus et indulgemus.

Datum Romae die 13. Septembris 1805.

(Bull. r. Continuatio t. XII. p. 371.)

Leo PP. XII.

Quum, sicut venerabilis frater Raphael Lazo de-la-Vega Episcopus Emeritensis Nobis exponi curavit, Christifideles illius dioecesis divum Joseph beatae Mariae virginis sponsum praedictae Emeritensis civitatis patronum singulari et ferventi prosequantur devotione cupiantque deinde quorumcumque anni mensium die decima nona ejusdem sancti missam votivam cum officio in universa praedicta dioecesi in posterum celebrari posse, praedictus Episcopus iteratis precibus a Nobis exposulavit, ut suae suorumque dioecesanorum devotioni Nostrae apostolicae indulgentiae caliar addamus: Nos igitur hujusmodi votis, quantum cum Domino possumus, obsecundare volentes auctoritate apostolica tenore praesentium concedimus atque permittimus, ut perpetuis futuris temporibus in universa *Emeritensi dioecesi die decima nona cujuscumque mensis, tempore tamen adventus et quadragesimae ac omnibus et singulis feriis, vigiliis et octavis privilegiatis exceptis*, ac dummodo in die praedicta

festum ritus majoris non occurrat, missa votiva cum officio divi Josephi sponsi beatae Mariae virginis sub ritu semiduplici a clero tum saeculari tum regulari et a cujuscumque ordinis monialibus servata in reliquis generali rubrica celebrari libere et licite possit et valeat. Non obstantibus constitutionibus et ordinationibus apostolicis caeterisque contrariis quibuscumque.

Datum Romae apud sanctum Petrum die decima octava Aprilis 1828.

(Bull. r. Contin. t. XVII. p. 354.)

S. IRENAEUS.

1. Omnibus foederatae Americae Septemtrion. Dioecesibus concessum est Officium S. Irenaei Ep. Mart. nulla assignata die, qua recitari debeat. Quum autem hoc Festum in Martyrologio pronuncietur die XXVIII. Jun., quaeritur, an de eo fieri debeat hac ipsa die 28. Junii, festo. . . S. Leonis ad diem VII. Julii fixe iranslato?

2. In Indulto Apostolico exprimitur: Officium S. Irenaei simpliciter et sine addito. Porro ea fuit mens Patrum Concilii Baltimoreae prout hoc Officium Lugduni in Gallia celebratur: at ex quibusdam Rom. Breviarii editionibus videtur quod id Festum Lugduni celebratur de S. Mart. Irenaeo Ep. et Sociis ejus. Quaeritur itaque: utrum in hisce Foederatae Americae Dioecesibus faciendum sit de S. Irenaeo tantum vel de SS. Martyribus Episcopo et Sociis ejus?

3. Si Officium sit de S. Irenaeo tantum, undenam desumendae sunt Lectiones II. et III. Noct. ac Missa?

4. Si fiat de S. Irenaeo et Sociis ejus, possuntne tamquam adprobatae haberi illae Lectiones in Gallia recitatae ab illis, qui Rom. Breviario utuntur?

5. In Seminario et Collegio S. Mariae Baltimorensis die XXVIII. Junii

Decreta authentica.

fit de die octava S. Aloysii. Posito igitur quod de S. Irenaeo vel de S. Irenaeo et Sociis ejus hac die fieri debeat in Provincia Ballimor., quaeritur: utrum in praedicto Seminario et Collegio Festum S. Irenaei vel S. Irenaei et Soc. ejus transferri possit ad diem III. Julii et S. Leonis Festum ad diem VII. Julii?

Emus. itaque ac Rmus. D. Card. Carolus Maria Pedicini Ep. Portuen. . . rescribi mandavit:

Ad 1.: „Servetur dies Martyrologii Rom.“

Ad 2. et 3.: „De S. Irenaeo tantum cum Lectionibus II. Noct. adprobatis die 21. Apr. 1784.“

Ad 4.: „Jam provisum.“

Ad 5.: „In primam diem non impeditam.“ n. 4928 sine Dato (Videtur esse 22. Maji 1841.)

IRREGULARITAS.

(Dispensatio.)

Vd.: *Indult.* (revoc. VII.)

ISTE CONFESSOR.

Vd.: *Meruit beatas etc.*

ITE MISSA EST.

Ad dubium: An Sacerdos dicere debeat in missa sol.: *Ite missa etc. Benedicamus etc. et Requiescant etc.* vel dicantur tantum a Diacono? S. C. resp.: Quoad *Ite missa est* negative; quoad *Bened.* et *Requiescant etc.* affirmative. n. 4526 ad 36 die 7. Sept. 1816.

Vd.: *Organum* (ad: *Ite missa est.*)

JUBE DOMINE (DOMNE.)

1) Ad cant. Evangelium.

Diaconus (cantans Evang. in lotionem pedum Fer. V. Coena D.) petit benedictionem dicens: *Jube Domne etc.*

cui Episcopus resp.: *Dominus sit etc.*
Caer. Ep. l. II. c. XXIV. n. 5.

Episcopus antequam dicit Evang.
(in missa sol.) junctis manibus dicit
Munda etc., Jube Domine etc., Ibid.
l. II. c. VIII. n. 41.

Diaconus petit inclinatus*) bene-
dictionem dicens intelligibili voce:
Jube Domne bened. Ibid. l. II. c. VIII.
n. 44.

2) Ad cant. Lectionem.

Prima Dignitas, absente Episcopo
cantatura nonam lectionem, petendo
benedictionem tenetur dicere: *Jube*
Domne. n. 1863 die 26. Jan. 1658.

Canonicus stans apud Legile in-
clinat profunde se versus Episcopum
et petit benedictionem dicens: *Jube,*
Domne benedicere (non Domine).
Episcopus, si non aderit in choro
major se, stans dicit versus altare:
Jube, Domine benedicere (non Domne),
cui absolute respondetur per chorum:
Amen.

Caer. Ep. l. II. c. V. n. 5. 9.

Vd.: *Lectio nona Episcopi.*

JUBILAEUM.

1) Qui a S. R. E. communione ecclesia-
stica separati reperiuntur, non sunt par-
ticipes Indulg. anni Jubilaei aliarumque
spirit. Gratiarum.

Vd.: *Constitut. Bened. XIII. die 8.*
Mart. 1729.

(*Bull. r. t. XIII. p. 390. Ed. Lbg.*)

2) Processio.

Regulares tenentur ad processiones,
quae fiunt ob publicam causam (Jubi-
laeum), n. 2437 die 9. Junii 1668.

*) Si Diaconus non est Canonicus, genu-
flexus petit benedictionem.

Cf.: *Processio (obligatio); Processio*
Regul.; Processio general.; Porta
sancta.

3) Quomodo lucrandum a pueris, qui com-
municari necdum possunt?

Vd.: *Benedictio cum Indulg. plenaria pro*
Moribundis etc. (nota).

4) Quomodo lucrandum a Surdis, qui et
muti sunt

Vd.: *Indulg. (a surdis mutis etc.)*

5) Quomodo lucrandum ab aliis Christifidel?

Vd.: *Communio (pro indulg. lucrandis; pro*
Jubilaeo lucrando); Confessio (pro indulg.
lucr.; pro Jubilaeo lucr.)

6) Tempore Jubilaei quae Indulgentiae
cessant et quae non cessant?

Vd.: *Indulg. infra Jubil.; Indulg. de Por-*
tiuncula.

Clemens PP. XIV.

Cum Nos nuper sancti jubilaei cele-
brationem in alma urbe a vigilia na-
tivitatis Domini Nostri Jesu Christi
proxime futura inchoandam et usque
ad finem sequentis anni duraturam
universo populo christiano de venera-
bilium fratrum Nostrorum S. R. E.
Cardinalium assensu indixerimus ac
omnibus utriusque sexus Christifideli-
bus vere poenitentibus et confessis ac
sacra communione reffectis, qui bea-
torum Petri et Pauli apostolorum nec
non sancti Joannis Lateranensis et
sanctae Mariae majoris de urbe basi-
licas certis vicibus visitaverint, plen-
nissimam omnium peccatorum suorum
indulgentiam, remissionem et veniam
concesserimus, prout in Nostris de-
super confectis literis plenius continetur:
cupientes, ut christianae nationes
ex omnibus terrarum orbis locis in
hac urbe Nostra in fidei ac religionis
unitate congregatae, eodem pietatis

ac devotionis spiritu basilicas prae-
dictas, quo maxime fieri poterit con-
cursu, durante eodem jubilaeo visi-
tantes et frequentantes, tanti et tam
certi spiritualis emotimenti compotes
fiant, multorum romanorum pontificum
praedecessorum Nostrorum exemplo
adducti indulgentias et facultates ab
apostolicae Sedis liberalitate alias ema-
natas pro hoc anno suspendere et ni-
hilominus tum spiritualibus fidelium
per universum orbem degentium ne-
cessitatibus paterna charitate consulere
tum pium devotionis fervorem erga
laudabilia quaedam religionis et pie-
tatis opera in christianorum animis
conservare et fovere, tum demum
suffragia in fidelium defunctorum leva-
men atque subsidium erogari solita,
neutiquam imminuere, eorumdem prae-
decessorum vestigiis insistentes decre-
vimus et constituimus.

Itaque praeservatis et firmis remanentibus indulgentiis concessis in articulo mortis ac facultatibus seu indultis illam impertiendi seu communicandi tam VV. fratribus Episcopis ac dilectis filiis praelatis locorum ordinariis, in vim seu ad formam litterarum fel. recor. Benedicti PP. XIV. praedecessoris Nostri, nonis aprilis, anni 1747 editarum, quam aliis quibuscumque communiter aut personaliter seu pro certo personarum genere, gradu aut numero, concessis; usque pariter, quas fel. record. praedecessor etiam Noster Benedictus PP. XIII. cunctis fidelibus salutacionem angelicam seu alia preces de tempore mane aut meridie, seu vespere ad campanae pulsum de genu vel juxta dierum et temporum rationem stando recitantibus; item indulgentiam septem annorum et totidem quadragenarum, quam ipse Benedictus praedecessor secundo dictus anno jubilaei MDCCXXV. durante omnibus Christifidelibus tam in urbe quam

extra eam ubicumque degentibus, qui sacramentaliter confessi et sacra communione reffecti vel saltem contriti et cum firmo proposito confitendi ecclesias, in quibus augustissimum Eucharistiae sacramentum pro oratione quadraginta horarum eo anno durante, expositum esset, devote visitassent, ibique juxta Sanctae Matris Ecclesiae mentem orassent, toties quoties id egissent, benigne concessit: quamque Nos etiam, illius exemplo, pro proxime ineunte jubilaei anno et tam pro urbe quam pro aliis ubique locis praesentium tenore libenter concedimus et elargimur; atque illis etiam, quas similis memoriae Innocentius XI. et Innocentius XII. romani pontifices praedecessores Nostri, fidelibus sanctissimum Eucharistiae sacramentum, cum ad infirmos defertur, devote comitantibus vel lumen aut facem per alios ea occasione deferendum, seu deferendam mittentibus similiter concesserunt; ita quoque, exemplo aliquorum romanorum pontificum praedecessorum Nostrorum inhaerendo, indulgentia alias concessa ecclesiae s. Mariae Angelorum ordinis fratrum Minorum s. Francisci, extra moenia civitatis Nostrae Assisiensis, die secunda mensis augusti a primis vespere usque ad occasum solis ejusdem diei visitantibus: tum etiam indulgentiis a Sanctae Romanae Ecclesiae Cardinalibus de latere legatis et apostolicae Sedis nunciis ac Episcopis in usu seu exercitio pontificalium aut impertienda benedictione aliave forma consueta concedi solitis: item salvis et firmis remanentibus indulgentiis altarium privilegiorum pro fidelibus defunctis aliisque eodem modo pro solis ipsis defunctis concessis; atque etiam aliis quibuscumque indulgentiis et peccatorum remissionibus alias pro vivis concessis, ad effectum dumtaxat ut Christifideles illas animabus fidelium